

BOSNA I HERCEGOVINA
Konkurencijsko vijeće



BOSNA I HERCEGOVINA
Konkurencijski savjet

MIŠLJENJE

po zahtjevu privrednog subjekta Građevinsko preduzeće „Krajina“ a.d., Banja Luka

**Sarajevo,
oktobar 2011. godine**



Broj: 01-26-7-15-1-I/11
Sarajevo, 12.10.2011. godine

Na osnovu člana 25. stav (1) tačka f) Zakona o konkurenciji ("Službeni glasnik BiH", br. 48/05, 76/07 i 80/09), a po zahtjevu privrednog subjekta Građevinsko preduzeće „Krajina“ a.d., Trg srpskih junaka br. 4, 78 000 Banja Luka, zaprimljenog od strane Konkurencijskog vijeća dana 09.09.2011. godine pod brojem: 01-26-7-15-I/11, Konkurencijsko vijeće, na 19. (devetnaestoj) sjednici održanoj dana 12.10.2011. godine, je donijelo

MIŠLJENJE

Privredni subjekt Građevinsko preduzeće „Krajina“ a.d., Trg srpskih junaka br. 4, 78 000 Banja Luka (u daljem tekstu: Podnosilac zahtjeva), podnio je Konkurencijskom vijeću Zahtjev za davanje mišljenja (u daljem tekstu: Zahtjev), zaprimljen dana 09.09.2011. godine pod brojem: 01-26-7-15-I/11.

Podnosilac zahtjeva je uz Zahtjev dostavio i dokaz o uplati administrativne takse.

Podnosilac zahtjeva traži mišljenje od Konkurencijskog vijeća vezano za postojanje obaveze podnošenja prijave koncentracije. Naime, Podnosilac zahtjeva namjerava da kupi privredni subjekt „Novi Jelšingrad“ a.d. fabrika alatnih mašina Banja Luka.

Privredni subjekt „Novi Jelšingrad“ a.d. fabrika alatnih mašina Banja Luka je osnovala Vlada Republike Srpske dana 08.08.2011. godine na dijelu imovine kupljene kroz stečajni postupak nad privrednim subjektom „Jelšingrad“ a.d. Banja Luka pri čemu osnovni kapital društva iznosi (..)*¹ KM. Osnovne registrovane djelatnosti privrednog subjekta „Novi Jelšingrad“ a.d. fabrika alatnih mašina Banja Luka su iz oblasti mašinske industrije.

Osnovne registrovane djelatnosti Podnosioca zahtjeva su projektovanje i izgradnja objekata visokogradnje i niskogradnje.

Prema podacima iz Zahtjeva Podnosilac zahtjeva je u 2010. godini ostvario ukupan prihod u iznosu od (..)* KM, dok privredni subjekt „Novi Jelšingrad“ a.d. fabrika alatnih mašina Banja Luka u 2010. godini nema ostvarenih ukupnih prihoda. U Zahtjevu se također navodi da njihov zajednički udio na relevantnom tržištu nije veći od 40%.

Članom 14. stav (1) Zakona o konkurenciji propisano je da namjeravanu koncentraciju privrednih subjekta, iz člana 12. stav (1) istog Zakona, učesnici koncentracije su obavezni prijaviti, i to kada su ispunjeni slijedeći uslovi:

¹ Podaci predstavljaju poslovnu tajnu

a) da ukupni godišnji prihod učesnika koncentracije ostvaren prodajom roba i/ili usluga na svjetskom tržištu iznosi 100.000.000,00 KM po završnom računu u godini koja je prethodila koncentraciji, i

b) da ukupni godišnji prihod svakog od najmanje dva privredna subjekta učesnika koncentracije ostvaren prodajom roba i/ili usluga na tržištu Bosne i Hercegovine iznosi najmanje 8.000.000,00 KM po završnom računu u godini koje je prethodila koncentraciji, ili ako je njihov zajednički udio na relevantnom tržištu veći od 40%.

U skladu sa izloženim, Konkurencijsko vijeće smatra da u predmetnom slučaju nisu ispunjeni uslovi za obavezu prijave koncentracije.

Ovo mišljenje je dato isključivo na osnovu podataka navedenih u Zahtjevu, te ukoliko dati podaci odstupaju od stvarnog činjeničnog stanja ovo mišljenje se ne može primijeniti.

Predsjednik

Ibrica Lakišić